

A Ny mpanoratra ny filazantsara:

❖ **Misionera tsy nahomby.**

- Toy ireo evanjelista rehetra, dia tsy manonona ny anarany i Marka. Mbola tanora izy tamin'ny fotoana nisehoan'ireo tranga notantarainy, izay azo inoana fa nianarany tamin'ny fifandraisany akaiky tamin'ny apostoly Petera (1 Pet. 5:13).
- Ny renin'i Jaona Marka no tompon'ilay toerana tao Jerosalema izay nanaovan'ny fiangonana fivoriam-bavaka tamin'ny fotoana nanagadrana an'i Petera (Asa 12:12).
- Fotoana fohy taorian'izay, dia nentin'i Barnabasy sy Saoly (izay nankany Jerosalema hitondra fanatitra) ho any Antiokia i Jaona Marka (Asa 12:25).
- Tany Antiokia, rehefa niantso an'i Barnabasy sy Saoly ho misionera tany amin'ny jentilisa ny Fanahy Masina, dia nitondra an'i Jaona Marka ho mpiara-miasa aminy izy ireo (Asa 13:2-5).
- Saingy, fiainana feno zava-tsarotra ny fiainan'ny misionera ho an'i Marka izay mbola tanora, ka nanapakevitra ny hiverina tany Jerosalema izy (Asa 13:13).

❖ **Mahasoa amin'ny fanompoana.**

- Rehefa hanao ny dia misionera faharoa i Paoly, dia tsy nanaiky an'i Marka ho mpiara-miasa izy (Asa 15:36-38). Mpanampy matanjaka no nilain'i Paoly, izay ho mpanohana fa tsy enta-mavesatra. Tsy nananan'i Marka izany toetoetra izany.
- Natoky anefa i Barnabasy fa nanana izay nilaina mba ho tonga misionera tsara i Marka zana-drahalahiny. Koa dia nentiny niaraka taminy tany Kypros izy, fa i Paoly sy Silasy kosa nankany Asia (Asa 15:39-41).
- Tsy fantatsika izay nitranga manaraka, fa fantatsika kosa fa marina ny tenin'i Barnabasy. Tamin'ny alalan'ireo andalan-teny telo nataony momba azy tao amin'ireo taratasiny, no niheveran'i Paoly an'i Marka ho “mahasoa amin'ny fanompoana”, dia mpiara-miasa mahomby (Kol. 4:10; Film. 24; 2Tim. 4:11).
- Noho io fahafahana faharoa nomena azy io, dia afaka mankafy ny tantara mampiantanentana ao amin'ny filazantsaran'i Marka isika ankehitriny.

B Ny fiandohan'ny filazantsara:

❖ **Ny fiomanana. Marka 1:1-8.**

- Manomboka amin'ny fanehoana antsika an'Andriamanitra manomana ny dian'ny Zanany i Marka (Mar. 1:1-2; Mal. 3:1). Dia izay nanomboka tany amin'ny kianjan'ny lanitra, sy hitondra an'i Jesosy Kristy ho eo amin'ny hazo fijaliana, mba horaisina any an-danitra indray (Marka 16:19).
- Ho fanomanana ny lalana, dia nifidy i Jaona Mpanao Batisa, ilay “feon'ny miantso mafy any an-efitra” Andriamanitra (Mar. 1:3; Is. 40:3).
- Mialohan'ny hanombohan'i Jesosy ny diany hanolotra ny ainy ho antsika, dia nanomana ny fon'ny olona i Jaona tamin'ny fitarihana azy ireo hibebaka ary hatao batisa (Marka 1:4-6).
- Nanomana azy ireo handray ny Zanak' Andriamanitra izy: mahery tokoa noho i Jaona; mendrika kokoa; ary ho ataony batisa dia batisa manankery kokoa (Marka 1:7-8).

❖ **Ny batisa. Mark 1:9-13.**

- Tamin'ny fomba mahatalanjona no nanombohan'i Jesosy ny diany: Andriamanitra Ray no naneho Azy amin'ny maha-Zanany Azy, ary naneho ny fanatrehany tamin'ny endriky ny nofo ny Fanahy Masina (Marka 1:10-11). Hatrany am-piandohana, dia naseho ho Andriamanitra, dia ny Zanak'Andriamanitra i Jesosy. Nefa koa, naseho tamin'ny maha-olombelona Azy izy:
 - (1) Nataon'i Jaona batisa izy, fa tsy ny mifamadika amin'izay (Marka 1:9)
 - (2) Notarihin'ny Fanahy (Marka 1:12)
 - (3) Nila irery miaraka amin'Andriamanitra izy (Marka 1:13a)
 - (4) Nalain'ny devoly fanahy izy (Marka 1:13b)
 - (5) Niatrika loza ara-batana (Marka 1:13c)
 - (6) Nanompo Azy ny anjely (Marka 1:13d)

❖ **Ny hafatra. Marka 1:14-15.**

- Mahafoka lafiny telo ny hafatr'i Jesosy voalohany (Marka 1:15):
 - (1) “Efa tonga ny fotoana”: Filazana momba ny faminanian'ny 70 herinandro (Dan. 9:24).
 - (2) “Efa akainy ny fanjakan'Andriamanitra”: Fampanantenana fa efa manomboka ny fahatanterahan'ny fanekem-pamonjena.
 - (3) “Mibebaha ka minoa ny filazantsara”: Antso handray anjara mavitrika amin'ny fanekena, amin'ny lalan'ny fanekena ny famelan-keloka amin'ny finoana an'i Jesosy.

- Ny hafatra entintsika ankehitriny koa dia ahitana ireto lafiny telo ireto: Efa tonga ny fotoana; ho avy Jesosy; ary tsy maintsy mibebaka sy mino isika mba hahafahantsika mandeha miaraka Aminy.